



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1204. Usque Ad Annum 1230

Fleury, Claude

August. Vind. [u.a.], 1763

VD18 90118030

§. 11. Alphonsi IX. de Mauris Victoria.

[urn:nbn:de:hbz:466:1-66406](https://nbn-resolving.org/urn:nbn:de:hbz:466:1-66406)

Sæcul. XIII.
A.C. 1212.

in hunc modum: Summo mane mulieres ad S. Mariam Majorem, Clerici ad Basilicam duodecim Apostolorum, & Laici ad S. Anastasiam colligantur, ac exinde omnes ad Forum Lateranense procedant, hoc ordine. Mulieribus Crux S. Mariæ Majoris præferatur, Moniales primæ eant, tum aliæ, omni vestium cultu, in quo vel aurum vel sericum splendet, abjecto, & nudis, quotquot poterunt, pedibus. Clericos præcedant Monachi & Canonici Regulares, Laicos vero Hospitalarii. Congregatis in foro omnibus, Papa cum Episcopis & Cardinalibus intrabit Ecclesiam, quæ Sanctum Sanctorum dicitur, & accepta vera Cruce, ad gradus in medio fori procedet, unde dicet ad populum. Tum mulieres ad Ecclesiam S. Crucis digrediantur, ubi Cardinalium alicujus Missæ intererunt. Papa Missam pro omnibus Clericis Laicisque in Basilica Lateranensi celebrabit, unde nudis pedibus ad S. Crucem transeat. Omnes jejurent, nec pisces, nec cibum coctum comedant, qui poterunt, in pane & aqua jejurent, & largissime eleemosynas dividant.

§. XI.

Alphonsi IX. de Mauris Victoria.

Haud diu post Pontifici redduntur litteræ, a Rege Alphonso scriptæ, in quibus

ap. Inn. XV.
ep. 182.

S 5

Sæcul. XIII.

A.C. 1212.

quibus referebat victoriam suam de Saracenis in campo vulgo *Las-Navas* de Tolosa, prope *la Sierra Morena*, die Lunæ, decima sexta Julii anno salutis humanæ millesimo ducentesimo quinquagesimo, Hegiræ sexcentesimo nono, reportatam. Cæsa sunt octoginta quinque equitum millia, peditum intersectorum numerus tantus fuit, ut iniri non poterit, sed illud exploratum, plus quam centum millia Saracenorum totis campis jacuisse. Christiani haud plus quam circiter triginta post prælium desiderati, præda quoque ingens parta. Cum Christianis dimicarunt Reges Arragoniæ & Navarræ, Arnaldus Archiepiscopus Narbonensis, Rodericus Archiepiscopus Toletanus, jubens Crucem suam sibi præferri, Telles Episcopus Palentinus, Rodericus Seguntinus, *Menendo* Ortonensis, Dominicus Placentinus, & Petrus Abulensis. Clerici deinde, multo numero, in ipso campo, *Te Deum laudamus* decantantes, omnipotenti Deo pro concessa victoria gratias egerunt.

*Rod. 13. c. 6.**Rich. de S. Ger.**15. ep. 183.*

Cum Epistola Rex Castiliæ Pontifici misit ex spoliis inimicorum dona, Regia magnificentia digna, tabernaculum rotundum ex serico, ac Vexillum auro intexto fulgens, quod suspensum Ecclesiam S. Petri decoravit. Innocentius Papa, accepto beato nuncio, Clericis, populoque

que Romano convocatis, Deo gratias
dixit, Regisque Castiliæ Epistolam reci-
tari iussit, quam ore proprio ex Latino
in Italicum sermonem vertens explica-
vit, tum orationem ad universos tanta
lætitiæ accommodavit. Id enim sua Epi-
stola, die vigesima sexta Octobris anno
millesimo ducentesimo duodecimo data,
testatum facit.

§. XII.

Res Albigensium.

Belli contra Albigenses in Occitania
necdum finis; sed diverso tempore
multæ urbes obsidione premebantur.
Guido Episcopus Carcassonensis, antea
Abbas Vallium Sernacensium, suscepto
post abitum Legati, Archiepiscopi Nar-
bonensis, imperio militari, bellum labo-
re incredibili urgebat, ita ut somni ci-
bique capiendi oblivisceretur. Com-
plures alii Præsules huic sacrae Expedi-
tioni, quæ Jesu Christi causa dicebatur,
intererant, atque præter alios Robertus
Archiepiscopus Rotomagensis, Robertus
Episcopus electus Laudunensis, Guiliel-
mus Archiepiscopus Remensis, qui in ob-
sidione Mosliaci oppidi militavit, Episco-
pi Tulensis & Albigensis, Guilielmus
Archidiaconus Parisiensis, qui Episcopa-
tum Blitterrensem recusaverat, ac com-
plures Abbates.

Mense

Sæcul. XIII.
A. C. 1212.*Hist. Albig.*
c. 63.